


مکتبہ انجیل

۱۸ نجی سنہ

سنہ ۱۳۱۶

جزو، عدد : ۷۹



ماتقطات

امر مقضي

ياخود

CHOSE JUGÉE

قضائک معناسنده ائمه لغت بر جوق سوز سوبله مشردرکه بوسوزلری قضا برشی قولاً و فعلاً اتمام دیک اولدیغه واربور . راغبک بیانه گوره ماده مزبوره فصل الامر یعنی برشی کرک قولاً کرک فعلاً فصل و قطع ایلك معناسنه موضوعدر . فصل قولی و فعلیدن هر بری الهی اولور بشری اولور . (امر مقضی) تعبیری دخی حکم و قضا اولمش رد و تغیر ایدلمز شی معناسنده استعمال اولنور . بو حالده شو ترکیب افرنجی به که حقنده اولان حکم قطعیت اکتساب ایلش شی معناسنده اصطلاح اولشدر تعبیر مذکور تمامی تمامنه مقابل دوشر .

بومقامده بعضیلری مقابل اولقی اوزره (قضیه محکومه) بعضیلری (قضیه حکمیه) بعضیلری تفعلیل بایندن اوله رق (قضیه محکمه) بعضیلری ده افعال بایندن (قضیه - محکمه) دیورلر . حالوکه بونلردن اولکیسی معنای مقصوده اصلنه مقابل اولماقله برابر افاده دخی صحیح دگلدیر ، مگرکه (قضیه محکوم فیها تقدیرنده اوله .) (قضیه - حکمیه) ایسه ضبط و اعلامک باعث تنظیم و تحریری اولان حادثه دیمکدر ، نته کیم نشیده آتیه دن آکلاشیلور :

اطراف کل قضیه حکمیه ست یلوح بعدها التحقیق

حکم و محکوم به وله و محکوم علیه و حاکم و طریق

اطراف ارکان دیمکدر . قضیه حکمیه شمعی تعریف اولندی . حکم قضا

معناست در . محکوم به ، محکوم له ، محکوم علیه ، حاکم بونلرک معنای معلوم .
طریق حکمک طریق دیکدزکه اوده ینسه یا اقرار یا یمیدن نکولدر . قضائک
بونظمده ذکر اولتامش بر یدنجی رکفی دهه واردرکه اوده خصمک قاضیدن طلب
حکم ایلسیدر . (محکمه) ماده سینه کلنجه : تحکیمدن اسم مفعول اولوق اوزره
آنورسه اصل تحریف ایدلمش اولور مقصوددن بمراحل بعید دوشر . باب افعالندن
رصین ومتین معناست اسم مفعول یایلورسه اصلک احتوا ایلدیگی معنای حکم فوت
اوله رق ینه مقابلی اوله ماز .

حضرت علی نك بالبداهه بر جوانی

امام علی حضرتلری بر گون منبرده ایکن بر آدم گلدی ، کندیلرندن کسور
تسعه نك جمله سی عدد صحیح اوله رق جامع بولنان اقل عدد ندر دیه سؤال ایتدی .
جناب امیرالمؤمنین بالبداهه بیوردیلرکه هفته نك عدد ایامنی آیک عدد ایامنه ضرب
ایت : صکره حاصل ضربی سینه نك عدد شهرینه ضرب ایت ، بوایکنجی ضربک
حاصلی سؤالک جوابیدر .

فی الحقیقه بیوردقلری کی در ، چونکه ایکنجی حاصل ضرب (۲۵۲۰) ایدر ،
بونك ایسه کسور تسعه سی زیرد ، کوسرلیدیکی اوزره هپ عدد صحیح در :

نصفی	۱۲۶۰
ثلثی	۸۴۰
ربعی	۶۳۰
خمس	۵۰۴
سدسی	۴۲۰
سبعی	۳۶۰
ثمینی	۳۱۵
تسمی	۲۸۰
عشری	۲۵۲